

BIDE PUBLIKOAN TERRAZAK, SALGAI DAUDEN PRODUKTUEN ERAKUSLEKUAK ETA BESTE ELEMENTU OSAGARRIAK JARTZEA ARAUTZEN DUEN UDAL ORDENANTZA.

ARRAZOIEN AZALPENA

Ordenantza honek arautzen ditu, Toki Araubidearen Oinarriari buruzko 7/1985 Legeak eta Administrazio Publikoen Ondarea arautzen duen araudiak –nagusiki 33/2003 Legeak osatzen duenak- ezarritakoarekin bat, hiriko espazio publikoan gaurdaino egin diren askotariko erabilerak, hiriko espazio publikotzat hartuta udalaren jabari publikoko bide eta espazio guztiek, baita beste administrazio publiko batzuen jabarikoak edota titulartasun pribatukoak izanda ere herritar oren erabilera publikoari atxikiak dauden udalerriko beste espazio guztiak ere.

Erregulazioaren helburua da espazio publikoak izan ditzakeen erabilera desberdinak ahalik eta modu argi eta soilenean arautzea eta, bereziki, espazio publikoaren aprobetxamendu berezia edo erabilera pribatiboa dakarten erabilerena, espazio publikoaren erabilera arruntaren (pertsona guzietan berdina baina modu desberdinean dagokiena) babes handiagoa lortzeko.

Ordenantza honen xede diren baimenak emateko garaian Udalak bermatu beharko duen herritarren eskubide nagusia bide publikoa pertsona guztientzat irisgarria izatea izango da. Alde horretatik, bai ordenantza honek bai bere aplikazio-egintzek bereziki hartuko dituzte kontuan espazio publikoaren irisgarritasunaren oinarritzko baldintzak arautzen dituzten indarreko arauak, oinarrian apirilaren 11ko Eusko Jaurlaritzako 68/2000 Dekretua dutenak (hiri-inguruetako, espazio publikoetako, eraikinetako eta informazio- eta komunikazio sistemetakoa irisgarritasun-baldintzei buruzko arau teknikoak onartzen dituenak), baita otsailaren 1eko VIV/561/2010 Ministro Agindua ere (espazio publiko urbanizatuak izatera irisgarria eta ez-diskriminatzailea izateko eta horiek erabiltzeko oinarritzko baldintzen dokumentu teknikoak garatzen duena).

Ordenantza honen beste printzipio gidaria da Andoaingo bide eta espazio publikoetan egiten diren erabilera guztiek, bereziek zein pribatiboez, udalak aurretiaz emandako ahalbidetze-titulua edo baimena izan behar dutela, Administrazio Publikoen Ondareari buruzko 33/2003 Legearen 84. Artikulua aurreikusitakoarekin bat etorritik.

Azkenik, nabarmendu behar da ordenantza 2006/123/CE Zerbitzu Direktibak, zerbitzuak ezartzei eta ematei buruzkoak, ezarritakoarekin bat etorritik egin dela. Horrela, Direktibaren eta bere transposizioarako proiektatzen diren arauen printzipioak eta gidalerroak errespetatzen dira. Baimentze-teknika mantentzen da Administrazio Publikoen Ondareari buruzko Legearen 6. eta 84. artikuluetan ezarritakoarekin bat etorritik, baita administrazioaren isiltasuna negatiboa ere, 39/2015 Legea, urriaren 1ekoa, Administrazio Publikoen Administrazio Prozedura Erkidearen 24. artikulua ezarritakoarekin bat. Bereziki, arreta handia jarri da espazio publikoaren beren zerbitzu-jardueraren funtsezko oinarri gisa erabiltzen duten zerbitzu-ematei (ostalariei eta merkatariari) ahalik eta baldintza gutxien eskatzea bermatzeko, espazio publikoaren izaera mugatuaren eta eskasiaren funtsezko premisa, eman daitezkeen baimen kopurua mugatzea dakarrena, gogoan hartuta. Baimena emateko garaian

inpartzialtasun- eta gardentasun- printzipioak guztiz beteko direla bermatzen da, baita, baimen iraupena mugatua izango dela, baimen horiek ze direla automatikoki berrituko eta jarduera uzten duen emaileak edo berarekin erlazionatutako pertsonak ez dutela abantailarik izango ere. Komunitate-erregulazioaren aurkako edozein baldintza sartzeari saihestuko da, eta ezartzen direnak beharrezkoak, proportzionatuak, ez-diskriminatzaileak, argiak, objektiboak, gardenak eta irisgarriak izan beharko dira, eta aurretiaz eman beharko da horien berri. Azkenik, administrazioaren aldetik ahalik eta gehien sinplifikatzeko ahaleginak egingo dira, beharrezkoak ez diren izapide administratibo guztiak ezabatuz, espazio publikoaren erabilera errazteko.

LEHENENGO TITULUA.- XEDAPEN OROKORRAK

1. Artikulua.- Aplikazio eremua.

Andoaingo hiri espazio publikoa kale, bide, zirkulazio-bide, plaza, pasealeku, hiribide, parke, lorategi eta bestelako espazio libreek eta hiritarren erabilera publiko edo orokorra bideratutako beste espazio batzuek osatzen dute, titulartasun publikoa udalarena edo beste administrazio publiko batzuen izan, edo erabilera publikoari lotutako titulartasun pribatukoak izan.

2. Artikulua.- Helburua.

Ordenantza honen helburua da udalaren jabari publikoko eta azalera erabilera publikoa duten jabari pribatuko lursailen aprobetxamenduaren araubide juridikoa arautzea, ostalaritzako jardueraren osagarriak diren mahai hankabakarrak edo antzeko instalazioak (barririk eta mahai altuak, esaterako) dituzten terrazak aldi baterako okupatzeari dagokionez. Halaber, jarduera komertzialei lotutako bide publikoko beste elementu batzuen instalazioa erregulatzen da.

Aurreko atalean aipatutakoari jarraituz, terrazatzat joko dira udal-baimena duen ostalaritzaren alorreko jarduera baten osagarri diren mahaien, aulkien, toldoen, jezarleku luzeen, kupelen eta edozein behin-behineko instalazio mugikorren multzoak, batera edo banaka jarrita.

Salgai dauden produktuen erakuslekutzat joko dira saltzeko produktuak erakustea helburu duten behin-behineko instalazio mugikorrek, batera edo banaka jarrita; produktu horiek jarduera gauzatzeko udal-baimena duen merkataritza-establezimendu batek jarritakoak izan behar dira.

3. Artikulua.- Baimenak.

Bide publikoa ordenantza honetan erregulatutako elementuekin okupatzeak jabari publikoko ondasunen aprobetxamendu berezi eta pribatiboa dakarrenez, aurretiazko baimena behar da, dagokion udal baimena lortuz. Mendekotasun hau bide-segurtasunarekin eta ordena publikoarekin, oinezkoak pasatzearekin eta desgaitasuna duten pertsonen oinarrizko irisgarritasun-baldintzekin erlazionatutako interes orokorreko arazoietan justifikatzen da, baita ibilgailu-sarbidean, hiriko ingurumenean eta espazio publiko urbanizatuen apainduraren

ere. Bestalde, baimena emateko, erabilera publikoa eta pribatua bateragarri egiteko irizpideei jarraitu beharko zaie, eta gatazka-kasuetan, espazio horren erabilera publikoa eta interes orokorra gailendu beharko dira.

Instalazio erantsita duen establezimendua irekitzeko baimenaren titularrak diren pertsona fisiko zein juridikoei bakarrik emango zaie baimena edo lizentzia.

Baimenaren dokumentua eta bere xehetasun-planoa, edo horien fotokopia bana, jardueraren tokian egon beharko dira, eskatzen dituzten agintzaritzako agenteen esku.

Aurretiko eskubiderik eza. Jabari publikoko ondasunen besterenezintasunari eta preskribazintasunari buruzko oharrekin bat, okupazioa baimendu ahal izateko beharrezkoak diren baldintzak batera betetze hutsak ez du inolako eskubiderik ematen lizentzia lortzeari dagokionez. Udalak, baldintza erreal eta aurreikusgarri guztiak kontuan hartuz, askatasun osoa izango du lizentzia emateko edo ukatzeko, eta interes orokorra interes partikularren gainetik ezarriko du.

Inolako okupaziorik gabe utzi ahal izango dira oinezko asko ibiltzen direlako Tokiko Gobernu Batzarrak jende-pilaketa handiko tartetzat hartzen dituen lekuak. Halaber, aldi baterako bertan behera utzi ahal izango da lizentzia bidez baimenduta dagoen bide publikoa okupatzeko aukera, jai-ospakizunak, kirol-ekitaldiak eta beste mota bateko gertaerak direla medio, Alkatetzaren edo, hala badagokio, dagokion Zinegotzi Ahaldunaren dekretu bidez.

BIGARREN TITULUA.- TERRAZAK

LEHENENGO KAPITULUA.- INSTALAZIOAREN BALDINTZAK

4. Artikulua.- Instalazioa ibilgailuen trafikoa dabilen kaleetan.

Artikulua honetan xedatutakoa aplikatuko da 5. artikuluan (oinezkoentzako kaleetako instalazioak) eta 6. artikuluan (plaza eta ingurune libreetako instalazioak) aurreikusten ez diren kasu guztietan.

Ibilgailuen zirkulazioa duten kaleetan jabari publikoan terrazak jartzeko baimena emateko, baldintza hauek bete beharko dira:

4.1.- Terrazak ezingo dute inolaz ere alboetako eraikuntzetako sarrera eta oinezkoen pasoa oztopatu eta ezingo dira honetako elementu hauen parean jarri: oinezkoen-pasoak, elbarrituentzako egokitutako aparkalekuak, etxebizitzetako sarbideak, larrialdi irteerak autobus edo taxi geltokiak, edukinontziak edota babes-biderik ez duten zirkulazio handiko errepideen ondoan.

4.2.- Instalazioaren ghienezko luzaera establezimenduaren aurrekaldearen bezain bestekoa izango da. Establezimenduaren alboetakoek baimena emanaz gero, terraza luzeagoa jarri ahal izango da, inguruko etxebizitza eta lokaletara pasatzeko tokia bermatzen den bitartean.

Ezingo da terrazarik jarri arkupe edo estalitako pasabideetan.

4.3.- Terrazak, ahal denero, espaloi-ertzaren ondoan jarriko dira, 30 zentimetrotako tartea utzi beharko delarik gutxienez. Gorabehera zehatzak direla medio, aldez aurretik udal txosten arrazoitua eginda komenigarritzat jotzen bada mahaia establezimenduaren fatxadaren ondoan jartzea, kokaleku horretarako baimena eman ahal izango da, beti ere, lizentzia emateari buruz informatzeko eskumena duen teknikariak proposatzen dituen baldintzen eta diseinuaren arabera eta beti ere irisgarritasunari buruzko legediak ezar lezakeenarekin bat etorriz.

4.4.- Espaloi zabaleran gutxienez ere 1,80 metrotako tartea utzi beharko da libre.

5. Artikulua.- Oinezkoentzako kaleetako instalazioak.

5.1.- Baimenak emateko orduan kontutan izango dira ibilgailuen zirkulazioa eta oinezkoena.

5.2.- Instalazioaren gehieneko luzaera establezimenduaren aurrekaldearen bezain bestekoa izango da. Establezimenduaren alboetakoek baimena emanaz gero, terraza luzeagoa jarri ahal izango da, inguruko etxebizitza eta lokaletara pasatzeko tokia bermatzen den bitartean.

Ezingo da terrazarik jarri arkupe edo estalitako pasabideetan.

5.3.- Oinezkoentzako kaleetan, baimendutako terrazak ezin jarri ahal izango dira zamalanetarako ezarritako ordutegia amaitu arte, aipatutako ordutegia bukatu aurretik jarri ahal izango direlarik, beti ere aintzat izanik zamalana horiek bermaturik gelditu behar dutela.

5.4.- Eguneko edozein unetan baimendutako edo larrialditako ibilgailu batek oinezkoen gunetik pasatzeko beharra izango balu eta terrazak paso oztopatuko baliote, titularrak mahaia berehala erretiratu beharko ditu ibilgailuak beharrezko maniobra egin dezan.

6. Artikulua.- Plaza eta ingurune libreetako instalazioak.

Plaza eta ingurune libreetan terrazak jartzeko eskaerak kasuan kasuko berezitasunaren arabera erabakiko dira. Nolanahi ere, kontuan izan beharko dira zehaztapen hauek:

a) Gehieneko luzera ez da plaza edo ingurune libreak neurtzen duenaren erdia baino handiagoa izango.

b) Gehieneko zabalera ez da plaza edo ingurune libreak neurtzen duenaren herena baino handiagoa izango.

c) Etxebizitza eta lokaletarako pasabidea segurtatu egin beharko da eta ezingo da terrazarik jarri arkupe edo estalitako pasabideetan.

7. Artikulua.- Terraza eta elementu osagarrien estalkiaren instalazioetarako mugak.

Udal agintari eskudunak estalkiak jartzeko eskubidea ukatu ahal izango du baldin eta:

a) Bide segurtasuneko kalteak sortarazten baditu (ikuspena gutxitu, gidariari arreta galarazi, etab.) edo oinezkoen zirkulazioa nolabait eragozten badu.

b) Inguruko eraikin eta lokalen segurtasunean (horiek husteko...) eragina badu.

c) Ingurunearekiko desegokia edo bat ez datorrela baldin bada, edo hiri paisaiaren irakurketa zuzena eragozten badu.

BIGARREN KAPITULUA.- INSTALAZIO-MOTAK ETA OKUPATUTAKO LEKUA MUGATZEA

8. Artikulua.- Instalazio-motak.

Ordenantza honek baimentzen dituen terrazak bi motakoak dira:

8.1.- Terraza desmuntagarriak: Instalazio mota hau normalean jartzen dena izango da eta mahaiak, aulkiak eta elementu osagarriak (eguzkitakoak, paramentuak, estufak, lorontziak...) izaten ditu. Lorontziak eta babeseko paramentu bertikalak jartzeko aukera egongo da. Instalaturako elementu guztiak egunero batzeko eta horretarako egokitutako lokalean gordetzeko modukoak izango dira; debekatuta dago elementu horiek lurzoruan ainguratzea.

Gauetz, terraza itxi ondoren, terrazaren elementu guztiak jasoko dira, toldoa eta alboko elementuak jasoko dira, eta terrazaren gutxieneko egitura kalean utzi ahal izango da. Ondorio horietarako, egitura minimotzat hartuko da -dituen ezaugarri bereziak direla-eta (eguzki-oihalen euskarriak, itzalak, babes-paramentu bertikalak, atezaindegiak, eta abar)-, egitura kentzeko edo gordetzeko zailtasun handiena duena. Elementu horiek ezin izango dute oinezkoen pasabidea oztopatu, eta ikusmen-urritasuna duten pertsonak oztopoa identifikatzeko aukera eman beharko dute. Nolanahi ere, bai bizilagunak hala eskatzen badu higiezinaren beharreatatik, bai udalak lurzorua erabili behar duelako, 24-48 ordu lehenago kendu beharko dira terrazaren elementu guztiak; premiazko edo ezinbesteko arrazoiak direla-eta epe laburragoa behar bada kaltetu gabe.

8.2.- Terraza finkoak: salbuespen badira ere, Udalak baimena eman dezake horrelako terrazak oinezkoen gunetan, plazetan ego gune libre berezietan jartzeko, betiere oinezkoen edo emergentziazko ibilgailuen pasoko lekuak ez badira eta beste bide edo gune libre batzuetara irteerarik edo konexiorik ez badute eta haien kokapenak umeentzako jolastoki-erabilerari, hiri-altzariei, kale-garbiketara eta abarri eragiten ez badie.

Ez da horrelako terrazarik jartzen utziko ostalaritzako establezimenduaren eta jarri nahi den terraza finkoaren artean ibilgailuak zirkulatzeko bideren bat badago.

Terraza finkoek diseinu irekia eduki beharko dute eta ikusmenaren iragazkortasuna; terrazek ez diote oztopo egingo hiria hautemateko moduari eta ez dute edukinontzi trinko bezala jardungo.

Terraza finkoek hartzen duten lekua, lurzoruari ainguratutako alboetako haize-babesleak mugatuta egongo da. Haize-babesle horien egiturek oxironez pintatutako metalezko

mihiztadura edukiko dute era segurtasunezko beirazko panelak, bai eta ehun-material lisoko estalki desmuntagarria ere.

Terraza finkoen estalkia egin daiteke bai isuri biko olanarekin egindako lehorpea jarrita, bai erdian masta duten itzalkinak edo eguzkitakoak erabilia. Hala ere, horrek ez du baztertzen behar bezala justifikatutako beste soluzio zehatz batzuk onartzeko aukera.

Terrazaren funtzionamendu ordutegitik kanpo estalkia batu eta altzariak barrura erretiratu beharko dira.

Elementu horien modeloak Andoaingo Udalaren alde aurretiko baimena izan beharko du.

9. Artikulua.- Eguzkitakoak eta toldoak.

9.1.- Establezimenduaren fatxadan ainguratu edo finkatutako toldoak ez ditu honako ordenantza honek arautzen berariazko udal-baimena behar baitute. Toldo mugikorrek eta desmuntagarriak baino ezingo dira jarri terrazak hartzen duen azalera, eta ez dira lurzoruari ez fatxadari lotuko.

9.2.- Terrazako elementu gisa eguzkitakoak jarri ahal izango dira, arau hauei jarraiki:

a) Eguzkitakoak jartzeko lizentzia beharko da, eta hori terraza jartzeko lizentziarekin batera eskatu ahal izango da, edo terrazaren lizentzia eskatu ondoren.

b) Eguzkitakoak tolesgarriak eta desmuntagarriak izan beharko dira, eta ez da baimenduko zoladuran edozein motatako ainguraketen bidez eustea.

c) Eguzkitakoen hegalak ezingo du terrazarentzat baimendutako azalera gainditu, ezta oinezkoak pasatzea oztopatu ere. Espaloiaren lur-arrasetik zabaldutako eguzkitakoen alderdirik baxueneraino 2,20 metroko altuera librea geratzeko moduan jarriko dira.

Toldoak beti izango dute maniobra errazen bidez biltzeko aukera. Debeekatuta dago toldoen perimetroko azalera bertikalak ixtea, baita terrazako zona material zurrun, zeharrargi edo gardenekin estaltzea edo ixtea ere, nahiz eta egitura argi eta desmuntagarriek eutsita egon. Toldoak ere 2,20 metroko gutxieneko altueran egongo dira.

10. Artikulua.- Alboetako babesak.

10.1.- Instalazioak hartzen duen azalera mugatu edo zedarritu egingo dute esparrua inguratzen duten alboetako babesak. Babes horien bidez oztopoak antzeman ahal izango dituzte ikusmen-urritasuna duten pertsonak.

10.2.- Alboetako babesak mugikorrek eta desmuntagarriak izan beharko dute, opakoak edo gardenak lurretik kontatuta metro batera artean, eta gainontzean gardenak izango dira, hala ezartzen baitute ordenantza honen 12. artikuluan materialetarako ezarritako ezaugarri teknikoak.

10.3.- Babesak ezingo dira dagokien instalazioetarako baimendutakoa baino zabalagoak izan, eta horien altuera metro bat eta 1,5 artekoa izango da.

10.4.- Babes horiek egonkorak eta jarriak izan behar dute, ez dute ertz zorrotzik izango, ez dira autoirigarriak izango eta ez iraultzeko erresistentzia izango dute.

11. Artikulua.- Bestelako elementuak.

11.1.- Barririkak eta mahai altuak.

Barririkak eta mahai altuak eta aulkiak jartzen utziko da, baldin eta haien pisuagatik eta neurriengatik egunero erraz jasotzeko eta eramateko modukoak badira; barririkak gutxi gorabehera, 60 zm-ko diametroa izango dute eta 1,20 metroko altuera; aulkiak barririkaren altueraren arabera izango dira. Materialak erraz garbitzeko modukoak izango dira. Inolaz ere ezingo dira jarri arkupe edo estalitako pasabideetan, ezingo dute oinezkoentzako ibilbide irisgarria inbaditu eta ezingo dira bide publikoan geratu establezimenduak zabalik egoteko duen ordutegitik kanpo.

Establezimenduaren fatxada ondoan jar daitezkeen elementu bakarrak fatxadan lotutako elementu finkoak izango dira, barririkak edo mahai altuek betetzen duten funtzio berdina betetzen dutenak eta sekzio konstantekoak, ikusteko desgaitasuna duten pertsonentzat arriskurik ez izateko. Arrazoi horregatik, elementu finko horiek ezingo dute aukirik izan. Elementu horiek ez dira fatxadaren lerrotik kanpora 40 zm baino gehiago aterako eta kasu guztietan oinezkoak pasatu ahal izatea bermatu beharko da, gutxienez 1,80 metroko zabalera duen zati bat inolako oztoporik gabe utziz.

Bide publikoa okupatzeagatik tasa ordaintzeko orduan, barririka edo mahai altu bakoitza terrazako mahaia dela kontsideratuko da eta betetzeko azaleraren kalkuluan ere kontutan hartuko da.

11.2.- Berogailuak.

Terraza jartzea baimenduta duten ostalaritza-establezimenduek kanpoaldean berogailuak jartzeko baimena izango dute, betiere baldintza hauek betez:

a) Kanpoaldeko berogailu bat jarriko da, gehienez baimendutako lau mahaiko.

b) Ostalaritza-establezimendu batek kanpoaldeko berogailuak jartzea aukeratzen badu egunero kendu beharko ditu, bide publikoan jarritako gainerako altzariak bezala, horretarako baimendutako ordutegiari jarraiki.

c) Edonola ere, interesdunak ABC hautsezko itzalgailuak jarri beharko ditu, 21A22 1138 eraginkortasunekoak, erraz iristeko moduko leku batean.

d) Berogailuaren modeloa elektrizitatearekin edo gas zein kea isurtzen ez duen beste erregai batekin ibiliko da gehienbat eta gutxienez eraginkortasun energetikoaren A+ ziurtagiria izango du.

e) Elektriakoak ez diren berogailuen artean, azaroaren 27ko 1428/1992 Errege Dekretuarekin, gasezko aparailuei buruzko Europako Erkidegoetako Kontseiluaren 90/396/CEE Direktiban aplikatzekoak diren xedapenak ematen dituenarekin, bat datozen gas-berogailuak bakarrik baimenduko dira. Edonola ere, karkasa batek edo antzeko egitura batek babestu egon beharko du berogailuak, propano gasa duten elementuak manipulatzeari eragozteko. Ezingo da berogailu horiek eraikinen baten fatxada-lerrotik edo zuhaitz, kale-argi edo beste elementu batzuetatik 2,00 metro baino distantzia txikiagoan jartzeko baimenik eman. Instalazio horien eskaeran berogailuen kalitate-bermea eta Europa Batasuneko homologazio-ziurtagiria aurkeztu beharko dira, baira PGLen eta bere eratorrien instalazioetan espezializatutako mantentze-enpresarekin egindako kontratua ere.

Hala eta guztiz ere, eta aipatutako berogailuak jartzeari zuzenean edo zeharka eragin diezaioketen hiri-altzarien beste elementu batzuk edo hainbat egoera izan daitezkeela kontuan hartuta, berogailuak jartzeko baimena ukatu ahal izango da xede horretarako egingo den txosten teknikoarekin bat etorritz.

11.3.- Aulki korrituak.

Espaloia edo oinezkoak bakarrik pasatzeko zona terraza jartzeko behar adina zabala ez denean baimendu ahal izango dira. Fatxadaren planotik kanpora irteten badira, mugikorrek izan beharko dira eta egunero kendu beharko dira. 3 m-ko luzera izango dute gehienez ere, eta horiek jartzeko baimena eman ahal izango da soilik kalean gutxienez 1,80 metroko zabalera duen inolako oztoporik gabeko espazio librea uzten denean, oinezkoei pasatzeko aukera bermatzeko. Terraza duten establezimenduetan ez da aulki korriturik jarriko.

Nolanahi ere, banku luzeak instalatzeko baimena emateko, hiri-inguruneen, espazio publikoen, eraikinen eta informazio eta komunikazioko sistemen irisgarritasun-baldintzei buruzko arau teknikoak onartzen dituen apirilaren 11ko 68/2000 Dekretuan edo hura ordezkatzeko, aldatzen edo osatzen duen araudian ezarritako aurreikuspenak bete beharko dira.

11.4.- Bide publikora ematen duten erakusmahai-leihoak.

Establezimenduetan erakusmahai-leihoak zabaltzen utziko da terraza zerbitzurako; hala ere, terrazak erretiratzen direnean horrelakoak egin behar dira, eta 00.00etatik aurrera beti itxita eduki behar dira. Erakusmahai-leiho horiek erabiltzen diren bitartean ez da musikarik edo beste zarata-iturririk jarriko egongo establezimendu barruan. Erakusmahai-leihoak zabaltzeko baimena honetara baldintzatuko da: lokalaren zarata-isolamendua mantenduko dela teknikoki bermatzera.

11.5.- Kanpoko apalak.

Kanpoko apalak kontsumizioak uzteko bakarrik baimenduko dira apal horiek fatxada-lerroa baino atzerago jartzen badira eta oinezkoei jotzeko arriskurik ez badakarkie.

HIRUGARREN KAPITULUA.- BALDINTZA TEKNIKOAK ETA INSTALAZIOAREN TITULARRAK DITUEN BETEBEHARRAK

12. Artikulua.- Altzarien ezaugarriak.

12.1.- Mahai eta aulkien materialak terraza muntatzeko eta desmuntatzeko garaian zoladuraren gainean lekualdatzen direnean zoladura ez kaltetzeko eta ahalik eta zarata gutxien sortzeko modukoak izango dira. Terraza osatzen duten mahaiak eta aulkiak aluminiozkoak izango dira batez ere, beste materialekin batera jarri ahal izango dena, hala nola, egur tratatua, biniloa, banbua, zumea, etabar. Mahai eta aulkien estruktura ezingo da PVC edo antzerako materialekoa izan. Altzari guztiek beren euskarri guztiak osorik bilduko dituzten gomazko elementuak izango dituzte, talkak izanez gero edo arrastatuz gero sortutako zaratak saihesteko.

12.2.- Terraza bakoitzak mota bakar bateko aulkiak eta mahaiak erabiliko ditu eta elementu-mota bakoitzak kolore bakarra izango du.

12.3.- Mahaiak borobilak edo karratuak izango dira eta mahai bakoitzak ezingo du 1,5 metro karratu baino gehiago okupatu.

12.4.- Berariaz debekatzen dira azaldutako materialak edo baldintzak betetzen ez dituzten publizitatedun terraza estandarrak.

12.5.- Altzariak aro har zaintze-egoera onean mantendu beharko dira beti.

12.6.- Bai eskaera berrietan bai berritze-eskaeretan jarriko diren altzarien ezaugarriak adierazi beharko dira, baita altzarien euskarrien gomako elementuenak ere, eta horiek guztiek udaleko zerbitzu teknikoaren onespena jaso beharko dute.

13. Artikulua.- Publizitatea.

13.1.- Merkataritza publizitatea soilik eguzkitako eta toldoetan jarri daiteke eta txikia izan behar da, ikuspegiaren gaineko eragin negatiboa saihesteko.

13.2.- Debekatua dago kanpoko iragarkietan alkoholdu edarien eta tabakoaren iragarkiak egitea. Kanpoko iragarkitzat hartuko dira erabilera orokorrekoak diren guneetatik doazen edo gune horietan dauden nahiz leku irekietan dauden pertsonen arreta irudiaren edo soinuaren bidez erakartzeko gai diren iragarkiak. Hori guztia, Adikzioen eta Droga Mendekotasunen gaineko Arreta Integralari buruzko apirilak 7ko 1/2016 Legean xedatutakoaren arabera.

14. Artikulua.- Jarri daitezkeen gehienezko mahai eta aulkiak.

Establezimendu bakoitzeko instalatzeko elementuak gehienez ere 20 izango dira baimenduta (mahai, kupel eta mahai altu guztiak barne) eta gehienez 4 aulki mahai bakoitzeko. Baimendutako elementu eta aulki-kopurua jarriko da, ez gehiago. Edozein aldaketa egiteko, eskabide berria egin eta dagokion baimena lortu beharko da.

15. Artikulua.- Instalazioaren titularraren betebeharrak.

15.1.- Zarata.

Instalazioaren jabeak, gainontzeko auzotarrek lasai egoteko dute eskubidea zainduko du, eta ez du iskanbila, borroka edo/eta zaratarik onartuko, arreta berezia ipiniaz 23.00etatik aurrera.

Adierazitako instalazioen funtzionamenduak ezingo die transmititu ez etxebizitzei eta ezta bestelako bizitegiei eta kanpo-inguruneei ere ezarritako gehieneko zarata-maila gainditzen duen zaratarik.

Titularrarena da terraza ixteko obligazioa bezeroak horiek inguruko bizilagunei eragozpenak sortzen badizkiete; baita terrazarako baimendutako esparru horretatik kanpo bezeroei kontsumizioak ateratzen ez uztea ere.

Terrazetan ez da inolako musika-aparaturik, bozgorailurik eta abarrik jarriko. Zuzeneko emanaldiak guztiz debekatuta daude terraza-espazioetan, baita ikus-entzunezkoen ekipoak jartzea edo audio-zein bideo emanaldiak egitea ere, Udalak horretarako baimen zehatza eta idatzia eman ez duenean.

Terrazak eta beren elementuak instalatzeak eta desmuntatzeak inguruko bizilagunei zarategatiko eragozpenik ez sortzeko behar adina bitarteko jarriko da. Mahai, aulki eta gainerako elementu guztiek hanketan gomak edo neopreno-zatiak izango dituzte arrastatzean zarata gutxiago ateratzeko, ordenantza honen 12. artikuluan adierazi bezala.

15.2.- Altzariak kentzea.

Arau orokor gisa, eta ordenantza honen 8.1 artikulua xedaturiko moduan, establezimenduaren titularrak mahaiak, aulkiak eta aipaturiko 8.1. artikulua ezartzen ez dituen elementuak kendu beharko ditu egunero; horiek establezimenduaren barnean edo beste lokal batean utziko dira lanaldi bakoitza amaitzean eta okupatutako espazioa garbitasun-baldintza ezin hobeetan utzi beharko da.

Aulki pilak, mahaiak, barrikak, eguzkitakoak edo terrazako beste edozein elementu osagarri ezingo dira inolaz ere bide publikoan bildu, bizilagunen eta orokorrean herritarren pasoa galarazi edota kale garbiketa lanak galarazi edo kaltetu egiten direnean.

Terrazako altzariak biltegitartzeko behar adina tokirik ez izatea nahikoa arrazoi izan daiteke terraza jartzeko lizentzia ukatzeko edo mugatzeko.

15.3.- Garbiketa.

Jardueraren titularrek gutxienez egunean birritan garbitu beharko dute terrazak okupatzen duen eremu hori, eta, nolana ere, terraza ixteko ordua iritsi eta hura erretiratu ondoren.

Mahaiak hautsontziak eduki behar dituzte, eta hautsontzi horiek ura eduki behar dute. Instalazioan zaborrontziak jarri beharko dira.

15.4.- Erantzukizun zibileko aseguruua.

Establezimenduko titularrak izan behar duen erantzukizun zibileko aseguruaren eta suteen aseguruaren polizaren estaldura terrazaren funtzionamendutik erator daitezkeen izaera bereko arrisku posibleetara zabaldu beharko da.

LAUGARREN KAPITULUA.- DENBORALDIA ETA ORDUTEGIAK

16. Artikulua.- Denboraldia.

16.1.- Terrazak urte osoan jar daitezke eta lizentzia hilabete bat edo gehiagorako edo hurrengo artikulua xedatutako denboraldi osorako eman ahal izango da.

16.2.- Denboraldi hauek aurreikusten dira:

a) Neguko denboraldia: urtarrilaren 1etik martxoaren 15 arte eta azaroaren 15etik abenduaren 31 arte.

b) Udako denboraldia: martxoaren 16tik azaroaren 14 arte.

17. Artikulua.- Ordutegiak.

17.1.- Jendaurreko ikuskizunen eta jolas-jardueren Legea garatzeko Erregelamendua onartzen duen otsailaren 5eko 17/2019 Dekretuaren 35.2. artikuluan xedatutakoaren arabera, terrazak jartzeko ordutegia honakoa izango da:

a) Neguan:

- Igandetik ostegunera: 08:00tik 23:00 ordu arte.

- Ostiral, larunbat eta jai egunen bezperetan: 08:00tik 24:00 ordu arte.

b) Udaran:

- Igandetik ostegunera: 08:00tik 24:00 ordu arte.

- Ostiral, larunbat eta jai egunen bezperetan: 08:00tik 01:00 ordu arte.

c) Herriko jaietan, Aste Santuan, Inauterietan eta Gabonetan: Baimendutako ordutegia ordu betez luzatuko da.

Hori dena, Udalak berak edo Autonomia Erkidegoak, bakoitzak bere eskumenez baliatuta, sar ditzaketen aldaketen kaltetan gabe.

17.2.- Terraza jartzeko ordutegia amaitu ondoren elementu guztiak bide publikotik jaso eta horretarako jarritako eremu pribatuan gorde beharko dira, hogeit hamar minututako epean.

17.3.- Oinezkoentzako kaleetan, baimendutako terrazak ezin jarri ahal izango dira zamalanetarako ezarritako ordutegia amaitu arte, ordenantzaren 5. artikuluan araututakoaren arabera.

HIRUGARREN TITULUA.- SALGAI DAUDEN PRODUKTUEN ERAKUSLEKUAK ETA BESTE ELEMENTU OSAGARRIAK.

18. Artikulua.- Artikuluen salmenta automatikoa eta jokomakinak.

Arau orokor gisa, debekatuta dago espazio publikoa edozein motatako artikuluak saltzeko makina banatzaileak instalatuz okupatzea.

Espazio pribatuetan instalatuta egonik oinezkoek erabiltzeko eremuetatik irisgarriak diren makina banatzaileak, kutxazain automatikoak, telefono publikoak eta antzeko elementuak jartzeko baimena parean gutxienez 1,80 metroko azalera duen inolako oztoporik gabeko eremua dutenean bakarrik ahal zango da.

Makina horiek guztientzat egon beharko dute erabiltzeko irisgarri. Elementuaren diseinuak gurpil-aulki darabilen pertsona bat gerturatzea ahalbidetu beharko du. Gailu manipulagarriak 1,70 m eta 1,20 m arteko altueran egongo dira.

Jolas eta olgetako aparailuak jartzea, haurrentzako jokoak esaterako, salbuespen gisa baimendu ahal izango da horiek jarri nahi diren espazio publiko zehatzaren egiturak ahalbidetzen duenean, ez badio oinezkoentzako gutxienez 1,80 metroko pasaguneari oztoporik egiten.

19. Artikulua.- Merkataritza-establezimenduak hedatzea.

19.1.- Merkataritza-establezimenduen jarduera espazio publikora hedatu ahal izango da bide publikoa jarduera komertzial bati lotutako elementuekin okupatuz, esate baterako salmenta dauden artikuluaren erakus-mahaiekin, publizitate elementuekin eta abarrekin. Okupazio horiek Udalak aurrez baimena ematearen mendekoak izango dira, eta honek baimena emateko neurtu beharko du dagokion espazio publikoak irisgarritasunaren ikuspegitik horretarako aukera ematen duen; halaber, Udalak bermatu beharko du gutxienez 1,80 metrotako zabalera duen oinezkoentzako ibilbide irisgarri bat egotea, baita zatiaren okupazioarekin erlazionatutako jarduera komertzialak nahitaezko udal baimena izatea ere.

19.2. Salmenta dauden artikuluaren erakus-mahaiak jartzeko baimena honako baldintza hauekin eman daiteke:

A) Erakus-mahaiak behar bezala margotuta eta herdoil eta korrosioaren aurka babestuta egongo dira, eta guztiz garbi. Gurpilak izango dituzte lekuz aldatzeko, bai eta nahikoa finkatze-osagai ere, geldirik finkatzearen eta iraulketaren egonkortasuna bermatzeko. Debebatuta dago ainguraketak jartzea, bai lurrean, bai fatxadetan. Erakustoki-egiturek ez dute ertz bizirik izango.

B) Erakusmahai edo tokien luzetarako hedapenik handiena, hartzen duten espazioari dagokionez, lokalaren fatxadari dagokiona izango da.

C) Erakusmahai edo tokien zabalera gehienez metro batekoa izango da, lokalaren fatxadatik hasita.

D) Oinezkoen joanetorria eta hiri-altzarien erabilera behar bezala bermatzeko, ezin izango da hiri-altzaririk edo bestelako osagaririk egon nahitaez bete beharreko zabalera librean.

E) Ekoizkin edo salgaiak jangarriak direnean, lurretik 0,75 metrora jarri beharko dira gutxienez; gainerako salgaietarako, gutxieneko altuera 0,60 metrokoa izango da.

F) Erakusmahai edo egiturek nahi beste apal izan ditzakete, 1,40 metroko altuerara arte, eta erakusmahai edo egiturek eta salgaiak osatutako multzoa ez da 1,60 metrotik gorakoa izango.

G) Debekatuta dago bide publikoan pisatzeko, neurtzeko edo kobratzeko tresneria jartzea.

19.3.- Jardueraren ordutegia amaitutakoan, bide publikoko osagai guztiak kendu eta horretarako prestatutako espazio pribatuan utzi beharko dira. Horiek hartzen duten espazioa garbi egon beharko da. Kutxa hutsak edo bestelako hondakinak ezin izango dira inolaz ere jardundegitik kanpo utzi.

19.4.- Kasu bakoitzean, dagokion bide publikoa okupatzeagatiko tasak aplikatuko zaizkie okupazio horiei.

LAUGARREN TITULUA.- LIZENTZIAK IZAPIDETZEA ETA KUDEATZEA

20. Artikulua.- Organo eskuduna.

Lizentziak emateko organo eskuduna Andoaingo Udaleko Alkatea edo horretarako ahalmena ordezkatua duen organoa izango da.

21. Artikulua.- Aurrez lizentzia lortu beharra.

21.1.- Ordenantza honek araututako elementuen instalaziorako dagokion udal lizentzia lortu beharko da.

21.2.- Jarraian aipatzen diren kasuetan dauden instalazioei ez zaie udal baimenik eskatuko:

a) Udal emakida administratiboaren babesean egindako aktibitateen osagarri direnean, herri jabetasun eta ondare jabetza direnetan kokaturikoak izateagatik.

b) Behin-behineko aktibitateak, esaterako, herriko jaiak direnean, baina beti ere dagokion udal organo eskudunak ezarritakoa bete ondoren.

22. Artikulua.- Prozedura.

22.1.- Instalazio berria egiteko edo dagoeneko emanda dagoen lizentzia bat aldatzeko aurkeztuko diren lizentzia eskaerak dokumentu hauekin batera aurkeztu beharko dira:

a) Establezimenduaren funtzionamendu lizentziaren fotokopia edo hori emateko espedientearen erreferentzia.

b) Jarri nahi diren hiri-altzarien elementu homologatuen zerrenda, horien kopurua espresuki adieraziz.

c) Lokalaren kokagunea zehazten duen plano 1:100 eskalan, ez gutxiagoan, ondo zehaztuz terrazak okupatzeko espazioa, mahaitxo, aulkien eta beste elementu osagarriak.

Aipatu beharko dira halaber inguruan izan daitezkeen edozein elementu (trafiko seinaleak, zuhaitzak, bakuak, hiri-altzariak, e.a.) eta, baita ere, kaltetuak gerta litezkeen udal zerbitzuak (ura, saneamendua, gasa, e.a.)

d) Hala behar izanez gero, ondoko lokaletako titularren baimena.

e) Terrazako elementuak biltegitratzeko dagoen espazioaren justifikazioa.

g) Terrazan berogailuak jarri izanez gero, ordenantza honen 11.2.d). artikuluan eskatutako itzalgailuen mantenimendu-kontratua aurkeztu beharko da.

22.2.- Titulartasuna aldatu edo berritu bahi bada, edo oro har, baimenaren edukian aldaketa handirik sorrarazten ez duen eragiketa bat egon nahi bada, interesdunaren betebeharrak bakarrik izango da aldaketa horren berri formalki ematea, Erregistro Orokorrean aurkeztu beharreko eskabide batez.

23. Artikulua.- Erabakia.

Eskaera ordenantza honek eskatutako baldintzetan aurkeztuta, eta txosten teknikoak egin ondoren, organo eskudunak ebaztuko du legeak ezarritako epearen barnean.

Lizentzia dokumentuan finkatuko dira instalazioaren eta elementu osagarrien, okupatu beharreko azaleraren, mahaien eta aulkien kopuruen, indarraldiaren eta beharrezkotzat jotzen diren gainerako berezitasunen baldintzak.

Dagokion udal organoak lizentzia ez emateko eskubidea izango du, interes publikoak, bide segurtasunak, herri lanek edota beste edozein egoerak horrela eskatuz gero.

Eskatutako lizentzia ez balitz egokitzat hartuko edo eman beharreko baimenak eskatutakoaren aldaketa ekarriko balu, Udalak epe bat irekiko du eskatzaileak ondo deritzan alegazioak aurkez ditzan.

Lizentzia bertan behera geratuko da, eskatzaileak jabetza publikoa okupatzeagatik dagokion tasa edo ordenantza honetan araututakoa ez betetzeagatik jarritako isunak ez ordaintzeagatik.

Lizentzian udal-zerbitzu publikoak baimendutako gehieneko okupazio-azalera mugatzeko behar izana ezarri ahal izango da. Ezingo da muga hori gainditu, eta hori horrela izatea establezimenduaren titularra den pertsonaren erantzukizuna izango da.

Beti ere ulertuko da lizentziak jabetza eskubidea salbu utzita eta beste inoren eskubiderik kaltetu gabe eman direla. Nolanahi ere, ezingo da lizentzia hauen arrazoi edo aitzakiaz baliatu aktibitateen jardunean onuradunak sortutako erantzukizun zibil edo penalak saihestu edo gutxitzeko.

24. Artikulua.- Tasa eta bermea.

24.1.- Lizentziaren titularrak dagokion tasa ordaindu beharko du indarreko Zerga Ordenantza betez.

24.2.- Honako ordenantza honetan ezarritako betekizunak beteko direnaren bere gisa, terrazak jartzean, lizentziaren titularrak tasa ordaintzeaz gain, 300 euroko bermea ordaindu beharko du esku diruz. Egindako bermeak aurretiko baja eskakizunarekin itzuliko dira eta betekizun guztiak bete izana egiaztatu eta gero.

25. Artikulua.- Ezeztatzea.

Edonola ere, ordenantza honetan aurreikusitako edozein instalazio lurzoru publikoan jartzeko lizentziak prekarioan emango dira, bertan adierazitako preskripzioak eta neurri zuzentzaileak betetzearen mende egongo dira eta horiek betetzen ez badira ezeztatua ahal izango dira. Ezeztatzea erabakitzen bada, une horretan bertan eskatuko zaio instalazioaren titularrari adieraziko zaion epean kentzeko, horrela egiten ez badu udal-zerbitzuek bere kontura egingo dutela ohartaraziz.

V TITULUA.- ZEHATZEKO ARAUBIDEA

26. Artikulua.- Lizentziarik gabeko instalazioak.

Udalaren jabari publikoko lursailetan nahitaezko lizentziarik gabe jartzen diren instalazioak berehala kenduko dituzte udal zerbitzuek, interesatuari alkateak emandako jakinarazpenaz gain inolako beste abisurik eman gabe, eta alkateak ondasunak eta horien erabilera komun orokorra ofizioz berreskuratzeko ahalmena erabiliko du. Aipatu jakinarazpena udal zer

Artikulu honetan a xedatutakoaren arabera kendutako elementuak gehienez sei hilabetez jasoko dira udal biltegian. Epe hori bukatu eta interesdunak eraman ez baditu, Udalak suntsitu, saldu edo laga ahal izango ditu.

27 Artikulua.- Baimendutako elementuak edo azalera gaintzea.

Aurreko artikuluan ezarritakoa hiri altzarien elementuei ta beste edozeini aplikatu ahal izango zaie, dagokion baimenean jasota ez dauden edo baimendutako baldintzak gaintzen dituzten soinua eta/edo irudia erreproduzitzeko ekipamenduak eta joko-makinak edo makina banatzaile automatikoa barne. Hori guztia, emandako lizentzia edo dagokion berritzea ezeztatzeke aukerari kalterik egin gabe.

28 Artikulua.- Arau-hausteen sailkapena.

Ordenantza honetako arau-haustek arinak, larriak eta oso larriak izan daitezke.

28.1.- Ara-hauste arinak dira:

- a) Instalazioaren edo bere inguruaren apaindura edo garbitasun falta.
- b) Hasierako zein amaierako ordutegia ez betetzea, orduerditik beherako aldearekin.
- c) Lizentzia dokumentua eta xehetasun-planoa ez aurkeztea eskatzen duten agintaritzea-agenteei edo funtzionario eskudunei.

d) Terrazen zonan edo bide publikoko beste edozein espazio okupatutan produktuak, ontziak, edo hondakinak biltegitratzea edo pilatzea.

e) Ordenantza honetan aurreikusitako beste edozein betebeharrak ez betetzea, arau-hauste larria edo oso larria ez bada.

28.2.- Arau-hauste larriak dira:

a) Urtebeteko epean hiru arau-hauste arin egitea.

b) Hasierako zein amaierako ordutegia ez betetzea, orduerdi eta ordubete arteko aldearekin.

c) Lizentzian aurreikusten ez diren hiri-altzarien elementuak jartzea edo altzari horien baimendutako kopuruak gainditzea.

d) Baimendutako baino azalea handiagoa okupatzea edo beste mugaketa baldintza batzuk ez betetzea.

e) Nahitaezko aseguruak ez izatea.

f) Bizilagunei edo iragaitzazko bidariei instalazioaren funtzionamendutik eratorritako eragozpen egiaztatuak sortzea.

g) Baimendu gabeko musika-instrumentu zein ekipamenduak edo bestelako instalazioak jartzea.

h) Baimendutako elementuak, egunero kentzeko betebeharrak, ordenantza honetan xedatzen den moduan, ez betetzea.

28.3.- Arau-hauste oso larriak dira:

a) Urtebeteko epean hiru arau-hauste larri egitea.

b) Terrazak edo ordenantza honetan araututako bestelako elementuak baimenik gabe edo baimendutako epetik kanpo jartzea.

c) Instalazioa berehala eteteko agindua ez betetzea.

d) Bizilagunei edo iragaitzazko bidariei instalazioaren funtzionamendutik eratorritako eragozpen egiaztatuak sortzea, ordenantza honetan ezarritako baldintzak behin eta berriro eta modu larrian ez betetzeagatik.

e) Espresuki baimendu gabeko ikuskizun edo emanaldiak egitea.

f) Funtzionarioei edo agintaritzaren agentei begirunerik ez izatea, beren karguari hala dagokiolako esku hartzen dutenean, edo beren ikuskatze-lanak ukatzea edo oztopatzea.

g) Hasierako zein amaierako ordutegia ez betetzea, ordubetetik gorako aldearekin

29. Artikulua.- Zehapenak.

Ordenantza honetan aurreikusitako arau-hausteez zehapen hauek ekarriko dituzte:

a) Arau-hauste arinak 300 eurora arteko isunarekin zigortuko dira.

b) Arau-hauste larriak 301 eta 600 euro arteko isunarekin zigortuko dira, instalazioa jarri ezingo delarik gehienez hilabete beteko epean.

c) Arau-hauste oso larriak 601 eta 1.000 euroko isunarekin zigortuko dira. Era berean, lizentzia baliogabetzearekin zigortu ahal izango dira eta beronek dakarren instalazioa berehala bildu beharrekin.

Aurreko atalean zehazturiko lizentziaren baliogabetzeak eta instalazioa bildu beharrak hurrengo bi urteetan, gehienez jota, saltegi edo jardundegiari ordenantza honetan araututako lizentziarik ez luzatzea dakarkio.

30. Artikulua.- Erantzukizuna aldatzen duten inguruabarrak.

Zehapenak modulatzeko ondorengoak hartuko dira kontuan: ea intenzionalitatez edo errepikatzerik izan den, baita sortutako kalteen izaera, urtebetean izaera bereko beste arau-hauste bat egin izanagatik berrerortzea (ebazpen irmo bidez horrela deklaratu denean) eta arau-haustea egiteagatik lortutako irabazia ere.

31. Artikulua.- Prozedura.

Zehapenak jartzeak dagokion espedientea izapidatzea eskatuko du, eta izapidatzea Herri Administrazioen Jaurpide Administratibo Erkidea arautzen duen urriak 1eko 39/2015 Legeak, Sektore Publikoko Errejimen Juridikoa arautzen duen urriak 1eko 40/201 Legeak eta Autonomia Erkidegoko Herri Administrazioen zigortzeko ahalmenari buruzko otsailak 20ko 2/1998 Legeak ezarritakoarekin bat egingo da.

Espedienteari hasiera emateko erabakiak gerora eman litezkeen ebazpenaren eraginkortasuna bermatzeko beharrezkoak izan daitezkeen behin-behineko neurriak hartzea agin dezake, legez kanpoko instalazioak kentzea edo horien funtzionamendua etetea besteak beste.

XEDAPEN IRAUNKORRA.

Terrazak jartzeko emandako baimenak pixkanaka ordenantza honetan ezarritako baldintzak tekniko eta publizitate-baldintzetara egokitze, 3 hilabeteko epea ematen da, ordenantza indarrean sartzen denetik kontatuz. Epe horretatik aurrera, terraza osatzen duten elementu guztiak eta ordenantza honetan araututako bestelako elementuak ordenantzan xedatutakoa bete beharko dute.

AZKEN XEDAPENA.

Ordenantza hau indarrean jarriko da Gipuzkoako Aldizkari Ofizialean argitaratu eta 15 eguneko epean, Toki-Araubidearen Oinarriak arautzen dituen Legearen 65.2 artikulua arabera.

XEDAPEN INDARGABETZAILEA

Indargabetu egiten da bide publikoan terrazak eta mahaitxoak jartzeko udal Ordenantza Arautzailea, Udalbatzak 2008ko urtarrilaren 30ean onaturikoa eta Gipuzkoako Aldizkari Ofizialean 2008ko apirilaren 4ko 64 zenbakian argitaratutakoa. Aipatu ordenantza Udalbatzak 2009ko azaroaren 26an hartutako erabakiaren bitartez aldatu zuen, erabaki hori 2010ko apirilaren 28ko 64 zenbakidun Gipuzkoako Aldizkari Ofizialean argitaratu zelarik.

Andoainen, a 2020ko otsailaren 28an.